



სატენდერო დოკუმენტაცია

სარჩევი

საკვალიფიკაციო მოთხოვნები:

2.საქონლის მოწოდების ვადა და ადგილი.....	3
3. ტექნიკური პირობა და მოთხოვნა:.....	4
4. სატენდერო დოკუმენტაციის შესახებ დამატებითი ინფორმაცია:.....	5
5.საკონტაქტო ინფორმაცია	5
6.ხელშეკრულების პროექტი საქონლის შესყიდვის შესახებ #.....	6
7. ფასების ცხრილი	11

სატენდერო დოკუმენტაცია

სს „საქართველოს სახელმწიფო ელექტროსისტემისათვის“ ძაბვის აწევის შემზღუდველების ციფრული რეგისტრატორების შესყიდვა ელექტრონული ტენდერის საშუალებით.

1. საკვალიფიკაციო მოთხოვნები

1.1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

1.1.1 კერძო სამართლის იურიდიული პირისა და ინდ. მეწარმეებისთვის:

ა) ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან;

1.1.2 საჯარო სამართლის იურიდიული პირისთვის - ცნობა საჯარო-სამართლებრივი შეზღუდვის არსებობის შესახებ (საჯარო რეესტრის ეროვნული სააგენტოდან).

1.1.3 ფიზიკური პირებისთვის - ცნობა საჯარო-სამართლებრივი შეზღუდვის არსებობის შესახებ (საჯარო რეესტრის ეროვნული სააგენტოდან).

1.2. პრეტენდენტის მიერ (გარდა არარეზიდენტი პრეტენდენტისა) სატენდერო დოკუმენტაციის 1.1 ქვეპუნქტით განსაზღვრული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს ელექტრონულ ტენდერში წინადადებების მიღების ეტაპის დაწყების შემდეგ.

არარეზიდენტი პრეტენდენტის შემთხვევაში, მან უნდა წარმოადგინოს თავისი ქვეყნის შესაბამისი უფლებამოსილი ორგანოების მიერ გაცემული, 1.1 პუნქტის შესატყვისი საკვალიფიკაციო მონაცემების დამადასტურებელი დოკუმენტები, ქართულ ენაზე ნოტარიულად დამოწმებულ თარგმანთან ერთად. ამასთან, ასეთ შემთხვევაში, საკვალიფიკაციო დოკუმენტები გაცემული უნდა იყოს ელექტრონულ ტენდერში წინადადებების მიღების ეტაპის დაწყებამდე არაუგვიანეს 30 დღისა.

1.3. ამ პუნქტის 1.2 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები წარმოდგენილი უნდა იქნეს „შემსყიდველი“ ორგანიზაციის მიერ მოთხოვნილ ვადაში, რომელიც არ უნდა აღემატებოდეს 5 (ხუთი) სამუშაო დღეს.

1.4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების (ასლების) წარმოდგენა „შემსყიდველ“ ორგანიზაციაში ხორციელდება სისტემის მეშვეობით. „შემსყიდველ“ ორგანიზაციას უფლება აქვს მოსთხოვოს „პრეტენდენტს“ საკვალიფიკაციო მონაცემების დამადასტურებელი დოკუმენტების წარმოდგენა საქართველოს კანონმდებლობით დადგენილი ფორმით ხელშეკრულების ხელმოწერის მომენტისთვის.

2. საქონლის მოწოდების ვადა და ადგილი.

2.1 სს „საქართველოს სახელმწიფო ელექტროსისტემისათვის“ საქონლის მოწოდების ვადაა – ხელშეკრულების გაფორმებიდან არაუმეტეს 40 კალენდარული დღე.

2.2 საქონლის მოწოდების ადგილი :

N	საქონელი	მიწოდების ადგილი
1	220 კვ ღგმ-ში დასამონტაჟებელი SBKC 192/10.3 ტიპის ძაბვის აწევის შემზღუდველის ციფრული რეგისტრატორი - 12 ცალი	იმერეთის რეგიონალური ქსელის სათაო ოფისი. ქ.ქუთაისი, ავტომშენებლის #2
2	220 კვ ღგმ-ში დასამონტაჟებელი 220 კვ PEXLIM Q216-YH245 ტიპის ძაბვის აწევის შემზღუდველის ციფრული რეგისტრატორი- 3 ცალი	ქვემო ქართლის რეგიონალური ქსელის 220 კვ ქ/ს „მარნეული“. ქ. მარნეული , იალღუჯის მთა.
3	110 კვ ღგმ-ში დასამონტაჟებელი 110 კვ PEXLIM R108-ZH123 ტიპის ძაბვის აწევის შემზღუდველის ციფრული რეგისტრატორი - 3 ცალი	ქვემო ქართლის რეგიონალური ქსელის 220 კვ ქ/ს „მარნეული“. ქ.მარნეული, იალღუჯის მთა.

- ა. არარეზიდენტი პრეტენდენტებისათვის - საქონელი მოწოდებულ უნდა იქნას პირობით DAP საქართველო, (Incoterms 2010) სატენდერო დოკუმენტაციის ტექნიკური პირობის შესაბამისად .
- ბ. რეზიდენტი პრეტენდენტებისათვის - საქონელი მოწოდებულ უნდა იქნას პირობით DDP საქართველო, (Incoterms 2010) სატენდერო დოკუმენტაციის ტექნიკური პირობის შესაბამისად.

2.3 პრეტენდენტმა უნდა წარმოადგინოს საქონლის მოწოდების ვადა.

3. სს „საქართველოს სახელმწიფო ელექტროსისტემისათვის“ ძაბვის აწევის შემზღუდველების ციფრული რეგისტრატორების შესყიდვის ტექნიკური პირობა და მოთხოვნები:

3.1 ტექნიკური პირობა :

N	საქონლის დასახელება	რაოდენობა
1	220 კვ ღგმ-ში დასამონტაჟებელი SBKC 192/10.3 ტიპის ძაბვის აწევის შემზღუდველის ციფრული რეგისტრატორი	12 ცალი
2	220 კვ ღგმ-ში დასამონტაჟებელი 220 კვ PEXLIM Q216-YH245 ტიპის ძაბვის აწევის შემზღუდველის ციფრული რეგისტრატორი	3 ცალი
3	110 კვ ღგმ-ში დასამონტაჟებელი 110 კვ PEXLIM R108-ZH123 ტიპის ძაბვის აწევის შემზღუდველის ციფრული რეგისტრატორი	3 ცალი

შენიშვნა: მიმწოდებელმა საქონლის მიწოდებისას უნდა წარმოადგინოს სატენდერო დოკუმენტაციის მე-3 მუხლის 3.1 პუნქტის ტექნიკურ პირობაში მოცემული ცხრილის თითოეულ პოზიციაზე საქონლის ხარისხის დამადასტურებელი სერთიფიკატი.

3.2 მოთხოვნა

3.2.1. პრეტენდენტმა სატენდერო წინადადებასთან ერთად უნდა წარმოადგინოს საქონლის ხარისხის სერტიფიკატები სატენდერო დოკუმენტაციის მე-3 მუხლის 3.1 პუნქტის ტექნიკურ პირობაში მოცემული ცხრილის თითოეულ პოზიციაზე.

3.2.2. საქონლის საგარანტიო ვადა უნდა იყოს არანაკლებ 1 (ერთი) წელი მოწოდების დღიდან.

3.2.3. საქონელი უნდა იყოს ახალი, ექსპლუატაციაში არმყოფი.

3.2.1. ფასწარმოქმნის ადეკვატურობის დასაბუთების ვალდებულება:

იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სახელმწიფო შესყიდვების ერთიანი ელექტრონული სისტემის მეშვეობით დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველის მიერ განსაზღვრულ ვადაში (სსიპ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული „ გამარტივებული ელექტრონული ტენდერისა და ელექტრონული ტენდერის ჩატარების წესის“ მე-12 მუხლის მე-12 პუნქტის შესაბამისად), პრეტენდენტი ვალდებული იქნება დაასაბუთოს ფასწარმოქმნის ადეკვატურობა შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით ან/და ანგარიშფაქტურით ან/ და ინვოისით ან/ და სასაქონლო ზედნადებით ან/და საბაჟო დეკლარაციით, რომელიც ადასტურებს პრეტენდენტის მიერ ელექტრონული ვაჭრობის შედეგად დაფიქსირებულ საბოლოო ფასად ტენდერით გათვალისწინებული საქონლის (წარმოდგენილ დოკუმენტით შესაძლებელი უნდა იყოს პრეტენდენტის მიერ შემოთავაზებული საქონლის იდენტიფიცირება მოდელით ან/და ტიპით ან/და მარკით, ასევე წარმოშობის ქვეყნით ან/და მწარმოებელი კომპანიით) სრულად მოწოდების შესაძლებლობას. რომლის გაფორმების ან გაცემის თარიღი უნდა იყოს არაუმეტეს 6 თვისა დოკუმენტაციის წარმოდგენის დღიდან. თუ ზემოაღნიშნული დოკუმენტი წარმოდგენილ იქნა უცხო ენაზე მას თან უნდა ახლდეს ნოტარიულად დამოწმებული თარგმანი ქართულ ენაზე.

4. სატენდერო დოკუმენტაციის შესახებ დამატებითი ინფორმაცია:

4.1 აღნიშნულ ტენდერში შესაძლებელია მხოლოდ ერთი გამარჯვებულის გამოვლენა.

4.2 ელექტრონულ სისტემაში ატვირთული პრეტენდენტის წინადადება უნდა შეიცავდეს შემდეგ დოკუმენტებსა და ინფორმაციას:

4.2.1 შევსებული ფასების ცხრილი (დანართი №1);

4.2.2 თანხმობა სატენდერო დოკუმენტაციის მე-3 მუხლის 3.1 პუნქტის ტექნიკურ პირობაზე.

4.2.3 საქონლის ხარისხის სერტიფიკატები სატენდერო დოკუმენტაციის მე-3 მუხლის 3.1 პუნქტის ტექნიკურ პირობაში მოცემული ცხრილის თითოეულ პოზიციაზე.

4.2.4 ინფორმაცია (მოთხოვნა) ავანსის საჭიროების შესახებ (არაუმეტეს ხელშეკრულების ღირებულების 40%-სა). იმ შემთხვევაში თუ პრეტენდენტის მიერ არ იქნება ატვირთული ინფორმაცია ავანსის მოთხოვნის შესახებ ჩაითვლება, რომ პრეტენდენტი არ ითხოვს ავანსს და საავანსო თანხა არ იქნება გათვალისწინებული ხელშეკრულებაში.

4.2.5 ინფორმაცია საქონლის მოწოდების ვადის შესახებ.

4.2.6 არის თუ არა პრეტენდენტი დღგ-ს გადამხდელი (მოითხოვება იმ შემთხვევაში, თუ პრეტენდენტი კომპანია რეგისტრირებულია საქართველოში).

4.2.7 პრეტენდენტის რეკვიზიტები: მისამართი, საიდენტიფიკაციო კოდი, საბანკო რეკვიზიტები, ტელეფონის ან/და ფაქსის ნომრები.

4.2.8 ინფორმაცია საქონლის კონკრეტული საგარანტიო ვადის შესახებ (არანაკლებ 1 წელი მოწოდების დღიდან).

4.2.9 მოთხოვნის შემთხვევაში სახელშეკრულებო ღირებულება შესაძლებელია განისაზღვროს უცხოურ ვალუტაში (აშშ დოლარი/ევრო) ელექტრონული ვაჭრობის დღისათვის საქართველოს ეროვნული ბანკის მიერ დაფიქსირებული ოფიციალური გაცვლითი კურსის მიხედვით ლართან მიმართებაში. შესაბამისი მოთხოვნა დაფიქსირებული უნდა იყოს სატენდერო წინადადებაში. აღნიშნული ინფორმაციის (მოთხოვნის) არ წარმოდგენის შემთხვევაში, სახელშეკრულებო ღირებულება განისაზღვრება ეროვნულ ვალუტაში.

4.3 ა. არარეზიდენტი პრეტენდენტებისათვის - საქონელი მოწოდებულ უნდა იქნას პირობით DAP საქართველო, (Incoterms 2010) სატენდერო დოკუმენტაციის ტექნიკური პირობის შესაბამისად.

ბ. რეზიდენტი პრეტენდენტებისათვის - საქონელი მოწოდებულ უნდა იქნას პირობით DDP საქართველო, (Incoterms 2010) სატენდერო დოკუმენტაციის ტექნიკური პირობის შესაბამისად.

4.4. სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურები განისაზღვრება სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანებით დამტკიცებული წესის მე-6 მუხლის შესაბამისად.

4.5 ყველა სავალდებულო დოკუმენტაცია/ინფორმაცია წარმოდგენილი უნდა იყოს ქართულ ენაზე. (უცხო ენაზე წარმოდგენილ დოკუმენტაციას/ინფორმაციას თან უნდა ახლდეს ნოტარიულად დამოწმებული თარგმანი ქართულ ენაზე).

4.6 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

4.7 ალტერნატიული სატენდერო წინადადება არ დაიშვება.

5.საკონტაქტო ინფორმაცია

ელექტრონულ ტენდერთან დაკავშირებით ინფორმაციისათვის და განმარტებებისათვის შეგიძლიათ მიმართოთ სატენდერო კომისიის აპარატის წევრებს:

სოფიო ბასილაძე მობ: 598 90 44 66, ელ. ფოსტა: sopho.basiladze@gse.com.ge

გიორგი გოგინაშვილი მობ: 577 24 04 24 77 , ელ.ფოსტა : giorgi.goginashvili@gmail.com

5. ხელშეკრულების პროექტი საქონლის შესყიდვის შესახებ

ქ. თბილისი

2016წ. -----

I. მხარეები

1.1 წინამდებარე ხელშეკრულება დადებულია 2016 წლის -----, ერთი მხრივ სს „საქართველოს სახელმწიფო ელექტროსისტემას“, წარმოდგენილი მისი ----- სახით (შემდგომში – „შემსყიდველი“) და მეორეს მხრივ ----- (შემდგომში – „მიმწოდებელი“) შორის, წარმოდგენილი ----- — სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს საქონელი (CPV კოდი : 31200000) დანართი №1-ის (ფასების ცხრილი) და დანართი №2-ის (ტექნიკური პირობა) შესაბამისად.

2.2 დანართი №1 და დანართი №2 წარმოადგენს წინამდებარე ხელშეკრულების განუყოფელ ნაწილს.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს ----- (-) ლარს დღგ-ს ----- (შემდგომში – „ხელშეკრულების ღირებულება“).

3.2 ანგარიშსწორება განხორციელდება ფაქტიურად მოწოდებულ საქონელზე მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში.

3.3. იმ შემთხვევაში, თუ „მიმწოდებლის“ მიერ მოთხოვნილი იქნა საავანსო გადახდა, „შემსყიდველი“ იხდის საავანსო თანხას (არაუმეტეს ხელშეკრულების ღირებულების 40%-ისა) „მიმწოდებლის“ მხრიდან შესაბამისი ოდენობის საბანკო გარანტიის წარმოდგენის შემთხვევაში, საბანკო გარანტიის წარმოდგენიდან 5 (ხუთი) სამუშაო დღის განმავლობაში.

- რეზიდენტი „მიმწოდებლის“ შემთხვევაში საბანკო გარანტია წარმოდგენილი უნდა იყოს საქართველოში ლიცენზირებული ბანკიდან. საბანკო გარანტია ძალაში უნდა იყოს ხელშეკრულების მოქმედების ვადაზე არანაკლებ 30 კალენდარული დღით მეტი ვადით.

- არარეზიდენტი „მიმწოდებლის“ მიერ წარმოდგენილი უნდა იყოს სს „საქართველოს ბანკის“ (ბანკის კოდი: BAGAGE22) მიერ დამოწმებული საბანკო გარანტია. საბანკო გარანტია ძალაში უნდა იყოს ხელშეკრულების მოქმედების ვადაზე არანაკლებ 30 კალენდარული დღით მეტი ვადით. საბანკო გარანტიის ფორმა ატვირთულია სისტემაში სატენდერო დოკუმენტაციასთან ერთად.

3.4 ავანსად გაცემული თანხა ჩაითვლება საბოლოო ანგარიშსწორებისას.

3.5 ანგარიშსწორება განხორციელდება ლარებში უნაღდო ანგარიშსწორების ფორმით.

შენიშვნა: მოთხოვნის შემთხვევაში სახელშეკრულებო ღირებულება შესაძლებელია განისაზღვროს უცხოურ ვალუტაში (აშშ დოლარი/ევრო) ელექტრონული ვაჭრობის დღისათვის საქართველოს ეროვნული ბანკის მიერ დაფიქსირებული ოფიციალური გაცვლითი კურსის მიხედვით ლართან მიმართებაში.

IV. მხარეთა უფლება-მოვალეობები

4.1. „მიმწოდებელი“ მოვალეა გადასცეს „შემსყიდველს“ საქონელი (ექსპლუატაციაში არმყოფი, ახალი) ხელშეკრულების გაფორმებიდან ____ (____) თვეში, წინამდებარე ხელშეკრულების ფასების ცხრილის (დანართი #1) მიხედვით.

4.2 საქონელის მოწოდება უნდა განხორციელდეს წინამდებარე ხელშეკრულების დანართი#1-ის (ფასების ცხრილი) და დანართი#2-ის (ტექნიკური პირობა) შესაბამისად.

4.2.1 „მიმწოდებელმა“ საქონლის მოწოდებისას უნდა წარმოადგინოს ხარისხის სერტიფიკატი.

4.3. „შემსყიდველი“ მოვალეა:

4.3.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.3.2 შეამოწმოს საქონლის მდგომარეობა ვარგისიანობაზე;

4.3.3. წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

4.4 „მიმწოდებელი“ ვალდებულია წერილობით აცნობოს „შემსყიდველს“ მოცემული ხელშეკრულების ფარგლებში დადებული ყველა ქვეკონტრაქტის შესახებ და წარმოადგინოს მათთან დადებული ხელშეკრულების ასლები.

4.5 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს „მიმწოდებელს“ ხელშეკრულებით გათვალისწინებული მატერიალური ან სხვა ვალდებულებებისაგან. საბოლოო ურთიერთობა „შემსყიდველსა“ და „მიმწოდებელს“ შორის ხორციელდება ამ კონტრაქტით განსაზღვრული პირობებით.

V. გარანტია

5.1. „მიმწოდებელი“ იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

5.2. შესაბამისი ექსპლუატაციის პირობებში „მიმწოდებლის“ მიერ მოწოდებულ საქონელზე საგარანტიო ვადა არის ექსპლუატაციაში შესვლიდან ——— წელი.

5.3. საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, „მიმწოდებელი“ ვალდებულია თავისი ხარჯებით გამოასწოროს ხარვეზი „შემსყიდველის“ წერილობითი შეტყობინების მიღებიდან — (——) ——— დღის განმავლობაში, თუ ეს შეუძლებელია „მიმწოდებელმა“ „შემსყიდველის“ წერილობითი შეტყობინების მიღებიდან — () ——— დღის განმავლობაში უნდა შეცვალოს საქონელი.

VI. მხარეთა პასუხისმგებლობა

6.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 ამ ხელშეკრულების 6.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორებს საგარანტიო პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის/საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.3 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 6.3 პუნქტით გათვალისწინებული პირგასამტეხლოს დარიცხვის საფუძველი.

VII. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

7.3 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ -----

7.4 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

VIII. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

IX. ურთიერთობა მხარეებს შორის

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

9.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

X. ხელშეკრულების პირობების შეცვლა და/ან ვადამდე მოშლა

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

10.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.3. ხელშეკრულება შეიძლება ვადამდე მოიშალოს:

10.3.1. მხარეთა შეთანხმებით;

10.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

10.4 „შემსყიდველს“ შეუძლია ხელშეკრულება ვადამდე შეწყვიტოს:

10.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.4.2. „მიმწოდებლის“ გაკოტრების შემთხვევაში;

10.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს „შემსყიდველის“ მხრიდან ნდობის დაკარგვის საფუძველს.

10.4.4. საქართველოს კანონმდებლობით გათვალისწინებულ სხვა შემთხვევებში.

10.5 ამ მუხლის 10.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიწოდებული საქონლის ღირებულება.

XI. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XII. დავათა განხილვა

12.1. ხელშეკრულების დამდები მხარეები თანხმდებიან მასზე, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2. თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

XIII. შესყიდვის ობიექტის მიღება-ჩაბარების წესი

13.1. მიღება-ჩაბარების აქტები ფორმდება ფაქტიურად მოწოდებული საქონლის მიხედვით.

13.2. საქონლის მოწოდებისას „შემსყიდველის“ მიერ წინამდებარე ხელშეკრულების 7.3 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით „შემსყიდველსა“ და „მიმწოდებელს“ შორის.

13.3. საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა საქონელზე გადადის შემსყიდველზე.

XIV. ხელშეკრულების მოქმედების ვადები

14.1. ხელშეკრულება ძალაში შედის მხარეთა მიერ ხელმოწერისთანავე.

14.2. ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს **201- წლის ————— ჩათვლით**, ხოლო საგარანტიო ვალდებულებების ნაწილში საგარანტიო ვადის ბოლომდე.

XV. ხელშეკრულების სხვა პირობები

15.1. ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2. ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3. წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4. წინამდებარე ხელშეკრულებით გათვალისწინებული პირობები, პროგრამის დეტალები, ხელშეკრულების ფარგლებში „მომწოდებლისთვის“ „შემსყიდველის“ მიერ მიწოდებული ან/და თანდართული მომსახურების გაწევის დროს გაცვლილი ნებისმიერი ინფორმაცია წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ჟ) ქვეპუნქტის შესაბამისად.

XVI . მხარეთა რეკვიზიტები

“შემსყიდველი”:

“მიმწოდებელი”:

დანართი # 1
ფასების ცხრილი:

დანართი # 2
ტექნიკური პირობა
.....

6. დანართი # 1,

ფასების ცხრილი

სს „საქართველოს სახელმწიფო ელექტროსისტემისათვის“ ძაბვის აწევის შემზღუდველების ციფრული რეგისტრატორების შესყიდვა

- პრეტენდენტის მიერ უნდა შეივსოს ქვემოთ მოცემული ფასების ცხრილი.
- სატენდერო წინადადების ღირებულება წარმოდგენილი უნდა იყოს ლარში დღგ-ს გარეშე.

პრეტენდენტის დასახელება-----

#	საქონლის დასახელება	წარმოშობის ქვეყანა/მწარმოებელი კომპანია	რაოდენობა	ერთეულის ფასი (ლარი)	ჯამური ფასი (ლარი)	საქონლის მიწოდების ვადა
1	2	3	4	5	6	7
1	220 კვ ღგმ-ში დასამონტაჟებელი SBKC 192/10.3 ტიპის ძაბვის აწევის შემზღუდველის ციფრული რეგისტრატორი					
2	220 კვ ღგმ-ში დასამონტაჟებელი 220 კვ PEXLIM Q216-YH245 ტიპის ძაბვის აწევის შემზღუდველის ციფრული რეგისტრატორი					
3	110 კვ ღგმ-ში დასამონტაჟებელი 110 კვ PEXLIM R108-ZH123 ტიპის ძაბვის აწევის შემზღუდველის ციფრული რეგისტრატორი					

შენიშვნა: 1. სატენდერო წინადადების ღირებულება უნდა ითვალისწინებდეს ყველა ხარჯს.
2.საქონლის მოწოდება უნდა განხორციელდეს ტექნიკური პირობის შესაბამისად.

პრეტენდენტის ხელმოწერა

ბ.ა